

& confidentia militet in Christo resuscitato pro Electorum salute, quam consequantur in Christo Jesu cum eterna gloria v. 10. (5) Christianam εὐθανασία v. 11. quia sic in Christo, cum Christo, per Christum, veterem Adamum crucificare, & mortificare, vel etiam ipsi Christo commori possumus. (6) Christianam εὐζωίαν, quia sic in Christo, cum Christo, per Christum vivere, vel Christo convivere valemus v. 11.

17. Ex parte nostri dicitur instrumentalis causa *Mnemosophias paschalis vera fides*, siquidem hæc itidem ex omnibus oraculi præsentis verbis elucet, licet explicitis verbis Paulus eam non alleget, quod colligitur. (1) *ex resurrectionis Christiana memoria*, memor esto: jam autem nulla dari potest resurrectionis memoria sine fide, quæ Christianis convenit, adeoque sic hæc memoria fidem veram ex necessitate supponit, vel includit (2) *ex resurrectionis historia*, quæ pariter, ratione nostri, fidem exigat; *Jesum Christum ex mortuis resurrexisse*, Christianæ fidei mysterium est. Hac de causa Christus aliquoties fidem in historia resurrectionis requirit. Discipulos Emaunticos graviter reprehendit ob *fidei defectum* Luc. XXII. 25. *O stulti, & tardi corde ad CREDENDUM in omnibus, quæ locuti sunt Prophetae.* Sic cum Apostolis apparuisset, paschalem pacem attulisset, manus atque pedes vulnerum vestigiis, certissimis indiciis veluti, notatos coram ostendisset, hæc omnia fecit propter fidem in cordibus ipsorum excitandam, sine qua nihil quicquam resurrectio Christi prodesse potest v. 36. seqq. sed Lucas addit v. 41. *Adhuc autem illis non credentibus præ gaudio, & mirantibus dixit: Habetis hic aliquid, quod manducetur?* hinc oblatis cibis, nimirum parte piscis assi, favoque mellis, coram ipsis comedit, & pro more reliquias iis asservandas tradidit. Post autem ex *Mose, Prophetis, & Psalmis*, omnia *Mysteria passionis & resurrectionis* exposuit, ut fidem resurrectionis certissimam in cordibus ipsorum gigneret. Nec successu labor earuit. Nam *Discipuli credentes* hæc omnia cum gaudio *Thomæ* post reditum narraverunt Joh. XX. 25. cum autem is contumaciter incredulus esset, variasque conditiones Salvatori resuscitato præscriberet l. d. mitissimus